



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ ԵՎ ԳԻՏՈՒԹՅԱՆ ՆԱԽԱՐԱՐ
ՀՐԱՄԱՆ

№ 540-Ա/Ք

04 հունիսի, 2015 թ.

**«ՇԻՐԱԿԻ ՄԱՐԶԻ ԳԻՏԱԿԱՆ ԿԱԶՄԱԿԵՐՊՈՒԹՅՈՒՆՆԵՐՈՒՄ
ԻՐԱԿԱՆԱՑՎՈՂ ԳԻՏԱԿԱՆ ՀԵՏԱԶՈՏՈՒԹՅՈՒՆՆԵՐԻ ԱԶԱԿՑՈՒԹՅԱՆ
ԾՐԱԳԻՐ - 2015» ՄՐՑՈՒՅԹԸ ԿԱԶՄԱԿԵՐՊԵԼՈՒ, ՄՐՑՈՒՅԹԻ
ՀԱՅՏԱՐԱՐՈՒԹՅԱՆ ՏԵՔՍՏԸ ԵՎ ՀՐԱՎԵՐԻ ՓԱԹԵԹԸ ՀԱՍՏԱՏԵԼՈՒ
ՄԱՍԻՆ**

Առաջնորդվելով Հայաստանի Հանրապետության կառավարության 2001 թ. նոյեմբերի 17-ի N 1122 որոշմամբ հաստատված «Գիտական և գիտատեխնիկական գործունեության պայմանագրային (թեմատիկ) ֆինանսավորման կարգի» 3-րդ կետով, ինչպես նաև հիմք ընդունելով Հայաստանի Հանրապետության կառավարության 2002 թ. սեպտեմբերի 12-ի N 1579-Ն որոշմամբ հաստատված Հայաստանի Հանրապետության կրթության և գիտության նախարարության կանոնադրության 14 կետի «դ» ենթակետը՝

Հ Ր Ա Մ Ա Յ ՈՒ Մ Ե Մ

1. Կազմակերպել գիտական և գիտատեխնիկական գործունեության պայմանագրային (թեմատիկ) ֆինանսավորման շրջանակներում գիտական թեմաների հայտերի «Շիրակի մարզի գիտական կազմակերպություններում իրականացվող գիտական հետազոտությունների աջակցության ծրագիր - 2015» մրցույթը:

2. Հաստատել մրցույթի հայտարարության տեքստը՝ համաձայն հավելված N1-ի և հրավերի փաթեթը՝ համաձայն հավելված N2-ի:

3. Մրցույթի արդյունքների հաստատման և գիտական թեմաների ցանկերում փոփոխությունների կատարման լիազորությունը վերապահել ՀՀ կրթության և գիտության նախարարության գիտության պետական կոմիտեի նախագահ Ս. Հարությունյանին:

4. Սույն հրամանի կատարման հսկողությունը վերապահել ՀՀ կրթության և գիտության նախարարության գիտության պետական կոմիտեի նախագահ Ս. Հարությունյանին:

Ա. ԱՇՈՏՅԱՆ

Հ Ա Յ Տ Ա Ր Ա Ր ՈՒ Թ Յ ՈՒ Ն

Հայաստանի Հանրապետության կրթության և գիտության նախարարության գիտության պետական կոմիտեն ՀՀ պետական բյուջեից գիտական և գիտատեխնիկական գործունեության պայմանագրային (թեմատիկ) ֆինանսավորման շրջանակներում կազմակերպում է գիտական թեմաների հայտերի «Շիրակի մարզի գիտական կազմակերպություններում իրականացվող գիտական հետազոտությունների աջակցության ծրագիր - 2015» ՄՐՑՈՒՑԹ:

Մրցույթին մասնակցելու հայտ ներկայացվում է համացանցային առցանց (on-line) ռեժիմով՝ գրանցվելով Հայաստանի Հանրապետության կրթության և գիտության նախարարության գիտության պետական կոմիտեի մրցույթների հայտերի և հաշվետվությունների ընդունման համակարգում՝ <https://grants.scs.am> հասցեում, մինչև 2015 թվականի հուլիսի 6-ը ներառյալ (մինչև Երևանի ժամանակով ժամը 18:00):

Մրցույթի հրավերի փաթեթը գետեղված է Հայաստանի Հանրապետության կրթության և գիտության նախարարության գիտության պետական կոմիտեի ինտերնետային կայքում՝ www.scs.am:

Մրցույթի վերաբերյալ լրացուցիչ տեղեկություններ և խորհրդատվություն կարելի է ստանալ Հայաստանի Հանրապետության կրթության և գիտության նախարարության գիտության պետական կոմիտեի աշխատակազմի գիտական գործունեության կազմակերպման վարչությունում՝ աշխատանքային օրերին ժամը 14:00 - 17:00 (հեռախոս՝ 21-01-40/113, 108):

Հայաստանի Հանրապետության կրթության և գիտության
նախարարության գիտության պետական կոմիտե

Հ Ր Ա Վ Ե Ր

**ԳԻՏԱԿԱՆ ԵՎ ԳԻՏԱՏԵԽՆԻԿԱԿԱՆ ԳՈՐԾՈՒՆԵՈՒԹՅԱՆ ՊԱՅՄԱՆԱԳՐԱՑԻՆ
(ԹԵՄԱՏԻԿ) ՖԻՆԱՆՍԱՎՈՐՄԱՆ ՇՐՋԱՆԱԿՆԵՐՈՒՄ ԿԱԶՄԱԿԵՐՊՎՈՂ «ՇԻՐԱԿԻ
ՄԱՐԶԻ ԳԻՏԱԿԱՆ ԿԱԶՄԱԿԵՐՊՈՒԹՅՈՒՆՆԵՐՈՒՄ ԻՐԱԿԱՆԱՑՎՈՂ ԳԻՏԱԿԱՆ
ՀԵՏԱԶՈՏՈՒԹՅՈՒՆՆԵՐԻ ԱԶԱԿՑՈՒԹՅԱՆ ԾՐԱԳԻՐ-2015» ՄՐՑՈՒՑԹԻ**

1. Ընդհանուր դրույթներ

1.1. Գիտական և գիտատեխնիկական գործունեության պայմանագրային (թեմատիկ) ֆինանսավորման շրջանակներում կազմակերպվող «Շիրակի մարզի գիտական կազմակերպություններում իրականացվող գիտական հետազոտությունների աջակցության ծրագիր-2015» գիտական թեմաների (այսուհետ՝ թեմա) հայտերի (այսուհետ՝ Հայտ) մրցույթը (այսուհետ՝ Մրցույթ) անցկացվում է համաձայն ՀՀ կրթության և գիտության նախարարի 2015 թվականի հունիսի 4-ի N 540-Ս/Ք հրամանի:

1.2. ՀՀ կրթության և գիտության նախարարության գիտության պետական կոմիտեն (այսուհետ՝ Կոմիտե) ՀՀ պետական բյուջեի գիտական և գիտատեխնիկական գործունեության պայմանագրային (թեմատիկ) ֆինանսավորման շրջանակներում գիտության բոլոր բնագավառների մասնագիտություններով (Հավելված N 2.1) գիտական և գիտատեխնիկական հետազոտությունների իրականացման համար 12 կամ 24 ամիս տևողությամբ դրամաշնորհներ կտրամադրի 2-4 անձից բաղկացած գիտահետազոտական խմբերի (այսուհետ՝ Խումբ) նախաձեռնությամբ ներկայացված և մրցութային կարգով ընտրված թեմաների ֆինանսավորման նպատակով:

1.3. Հայտը չի քննարկվում, եթե՝

- համընկնում է ՀՀ պետական բյուջեից ֆինանսավորվող կամ ֆինանսավորված որևէ գիտական թեմայի կամ ծրագրի հետ,

- Խմբի ղեկավարի կողմից գիտական թեմայի իրականացման վերաբերյալ նախկինում հաշվետվություն (այսուհետ՝ Հաշվետվություն) չի ներկայացվել կամ վերջինիս վերաբերյալ մասնագիտական փորձագիտական խորհրդի (ասուհետ՝ Խորհուրդ) կողմից տրվել է բացասական եզրակացություն,

- միաժամանակ ներկայացված է Կոմիտեի կողմից անցկացվող այլ մրցույթների:

1.4. Հեղինակային իրավունքի օբյեկտ հանդիսացող նյութեր պարունակող Հայտ և այնուհետև Հաշվետվություն ներկայացնելու դեպքում Խմբի ղեկավարը պետք է գործի «Հեղինակային իրավունքի և հարակից իրավունքների մասին» ՀՀ օրենքով սահմանված դրույթներին համապատասխան: Հեղինակային իրավունքի կամ հարակից իրավունքների իրավատերն իր իրավունքները պաշտպանելու նպատակով կարող է ՀՀ օրենսդրությամբ սահմանված կարգով դիմել դատարան:

1.5. Հայտով նախատեսված Թեմայի շրջանակներում իրականացված հետազոտության արդյունքները պետք է հրապարակվեն գիտական բաց պարբերականներում և ամսագրերում: Հետազոտությունների արդյունքները հրապարակելիս անհրաժեշտ է նշել Կոմիտեի կողմից ստացած աջակցության մասին՝ նշելով Թեմայի ծածկագիրը, օրինակ.

- Հետազոտությունն իրականացվել է ՀՀ ԿԳՆ գիտության պետական կոմիտեի տրամադրած ֆինանսավորմամբ՝ № _____ գիտական թեմայի շրջանակներում:

- Исследование выполнено при финансовой поддержке Государственного комитета по науке МОН РА в рамках научного проекта № _____.

- This work was supported by the RA MES State Committee of Science, in frame of the research project № _____.

1.6. Հայտով նախատեսված Թեմայի իրականացման ընթացքում Կոմիտե է ներկայացվում ընթացիկ (տարեկան), իսկ ավարտից հետո՝ ամփոփիչ Հաշվետվություն, որոնք ենթարկվում են գիտական փորձաքննության:

1.7. Թեմայի ֆինանսավորումը դադարեցվում է ընթացիկ (տարեկան) Հաշվետվությունը սահմանված ժամկետում չներկայացնելու կամ վերջինիս վերաբերյալ Խորհրդի գիտական փորձաքննության բացասական եզրակացության հիման վրա:

1.8. Կոմիտեն կարող է ֆինանսավորման երաշխավորված Թեմայի և Հաշվետվության անոտացիաները հրապարակել տպագիր կամ էլեկտրոնային եղանակով:

2. Խմբի անդամներին ներկայացվող պահանջները

2.1. Խմբի բոլոր անդամները պետք է հանդիսանան ՀՀ Շիրակի մարզի գիտական կազմակերպությունների (այսուհետ՝ Կազմակերպություն) մշտական աշխատողներ և Թեմայի իրականացման ընթացքում բնակվեն ՀՀ-ում:

2.2. Մրցույթին չեն կարող մասնակցել Կոմիտեի կողմից ֆինանսավորվող միաժամանակ երկու մրցութային, այդ թվում՝ միջազգային, Թեմաների (ծրագրերի) ղեկավարները կամ կատարողները (բացառությամբ անհատական խրախուսման մրցույթների շահառուների), եթե այդ Թեմաները (ծրագրերը) չեն ավարտվում մինչև սույն մրցույթի արդյունքում երաշխավորված Թեմաների ֆինանսավորման սկիզբը:

2.3. Խմբի ղեկավար կարող է հանդիսանալ.

- գիտական աստիճան ունեցող անձը, ով ունի առնվազն հինգ տարվա գիտական կամ գիտամանկավարժական գործունեության ստաժ և վերջին հինգ տարիների ընթացքում գրախոսվող ամսագրերում հրատարակված առնվազն հինգ հոդված,

- գիտական աստիճան չունեցող անձը, ով ունի առնվազն տասը տարվա գիտական կամ գիտամանկավարժական գործունեության ստաժ և վերջին տասը տարիների ընթացքում ունի հրատարակված հոդվածներ այն ամսագրերում, որոնց գումարային ազդեցության գործակիցը (impact factor) առնվազն 30 է:

2.4. Խմբի ղեկավար չի կարող հանդիսանալ այն անձը, ով գտնվում է Խմբի անդամներից մեկի վարչական ենթակայության տակ:

2.5. Խմբի ղեկավարը և անդամները չեն կարող ընդգրկվել Մրցույթին ներկայացված մեկից ավելի Հայտերում:

2.6. Խմբում պետք է ընդգրկվի մինչև 35 տարեկան առնվազն մեկ գիտաշխատող կամ ասպիրանտ կամ ուսանող (մագիստրանտ, բակալավրիատի երրորդ կամ չորրորդ տարվա ուսուցման ուսանող):

3. Հայտեր լրացնելը և ներկայացնելը

3.1. Հայտը (Հավելված 2.2) լրացնում և ներկայացնում է Խմբի ղեկավարը՝ Կոմիտեի հայտերի և հաշվետվությունների առցանց համակարգի (այսուհետ՝ Համակարգ) միջոցով (grants.scs.am)՝ 2015 թվականի հունիսի 5-ից հուլիսի 6-ը ներառյալ (Հայտի ուղարկման հնարավորությունը արգելափակվում է ժամը 18:00-ին):

3.2. Կոմիտե ներկայացվում են հետևյալ փաստաթղթերը.

- Խմբի ղեկավարի դիմումը (Հավելված 2.3),
- Համակարգում ձևավորված և ծածկագիր ստացած Հայտի տիտղոսաթերթը, ծախսերի նախահաշիվը (այսուհետ՝ Նախահաշիվ),

- Կազմակերպության գիտական (գիտատեխնիկական) խորհրդի դրական կամ բացասական եզրակացությունը,
- մինչև 35 տարեկան մասնակցի (մասնակիցների) ասպիրանտ կամ ուսանող հանդիսանալու մասին տեղեկանքները:

3.3. Պահանջվող փաստաթղթերը և Խմբի ղեկավարի դիմումը ներկայացվում են Խմբի ղեկավարի կողմից աշխատանքային օրերին, ժամը 10:00-13:00 և 14:00-17:00, քաղաք Երևան, Օրբելի եղբայրների 22, 7-րդ հարկ, 708 սենյակ՝ մինչև 2015 թվականի հուլիսի 15-ը ներառյալ:

4. Հայտերի գիտական փորձաքննությունը

4.1. Մրցույթի պայմաններին բավարարող Հայտերը տրամադրվում են Խորհրդին՝ Կոմիտեի փորձագետների շտեմարանում ընդգրկված փորձագետների ներգրավմամբ գիտական փորձաքննություն իրականացնելու համար:

4.2. Գիտական փորձաքննության ժամանակ գնահատվում են Թեմայի գիտական կամ գիտատեխնիկական նորույթը և արդիականությունը, իրականացման նախադրյալները, Խմբի ղեկավարի և կատարողների ձեռքբերումները գիտության տվյալ բնագավառում, նրանց, ներառյալ՝ երիտասարդ մասնակցի մասնագիտական որակավորման համապատասխանությունը նախատեսված հետազոտությունների իրականացմանը, աշխատանքի ծավալի, իրականացման ժամկետների, Նախահաշվի հիմնավորվածությունը և գիտության տվյալ բնագավառի առանձնահատկություններից բխող այլ հարցեր:

4.3. Գիտական փորձաքննության գնահատման թերթիկի յուրաքանչյուր հարցի պատասխանը տրվում է գնահատականի միջոցով, առավելագույնը՝ 5 միավոր (0.5 միավորի ճշտությամբ):

4.4. Փորձագետի գնահատականը կազմում է գնահատման սանդղակի առավելագույն միավորի 85 տոկոսը:

4.5. Հայտը գիտական փորձաքննության է ենթարկվում երկու փորձագետների կողմից: Յուրաքանչյուր Հայտի համար փորձագետը լրացնում է Կոմիտեի կողմից սահմանված գիտական փորձաքննության գնահատման թերթիկը (հավելված 2.4)՝ պատասխանելով դրանում առաջադրված բոլոր հարցերին:

4.6. Խմբի ղեկավարի և անդամների մասնագիտական որակավորումը գնահատվում է Խորհրդի կողմից: Խորհրդի գնահատականը կազմում է գնահատման սանդղակի առավելագույն միավորի 15 տոկոսը:

4.7. Հայտի գիտական փորձաքննության վերջնական գնահատականը երկու փորձագետների գնահատականների միջին թվաբանականի և Խորհրդի գնահատականի գումարն է:

4.8. Երկու փորձագետների գնահատականները 50 տոկոս և ավելի չափով տարբերվելու դեպքում Հայտը տրվում է երրորդ փորձագետին: Այդ դեպքում գիտական փորձաքննության վերջնական գնահատականը երեք փորձագետների երկու իրար մոտ գնահատականների միջին թվաբանականն է: Առաջին երկու փորձագետների գնահատականների և երրորդ փորձագետի գնահատականի հավասար տարբերությունների դեպքում գիտական փորձաքննության վերջնական գնահատականը երկու առավելագույն գնահատականների միջին թվաբանականն է:

4.9. Գիտական փորձաքննության կազմակերպչի և փորձագետների կողմից Հայտերի բովանդակության, գիտական փորձաքննության ընթացքի և արդյունքի վերաբերյալ տեղեկությունների տրամադրումն այլ անձանց արգելվում է:

4.10. Հայտերի գիտական փորձաքննության ավարտից հետո Կոմիտեն Հայտերի գիտական փորձաքննության վերջնական գնահատականների նվազման կարգով, ձևավորում է վարկանիշային ցանկ ու ներկայացնում Խորհուրդ՝ քննարկման:

4.11. Խորհուրդը Կոմիտեի նախագահին է ներկայացնում Հայտերի գնահատականների վերջնական վարկանիշային ցանկը:

4.12. Կոմիտեի նախագահը, ելնելով ՀՀ պետական բյուջեից գիտական և գիտատեխնիկական գործունեության պայմանագրային (թեմատիկ) ֆինանսավորման «Շիրակի մարզի գիտական կազմակերպություններում իրականացվող գիտական հետազոտությունների աջակցություն» ենթաձրագրով նախատեսված հատկացումների ծավալից, որոշում է շեմային գնահատականը, որին հավասար կամ դրանից բարձր գնահատված Հայտերը երաշխավորվում են ֆինանսավորման: Կոմիտեի նախագահը հաստատում է Թեմաների ցանկը, ղեկավարների ցուցակը և յուրաքանչյուր Թեմայի կատարման համար նախատեսվող ֆինանսավորման ծավալը:

4.13. Կոմիտեն Խմբերի ղեկավարներին է տրամադրում գիտական փորձաքննության արդյունքները, որոնք ներառում են փորձագետների եզրակացությունները՝ ապահովելով փորձագետի անանունությունը, Խորհրդի գնահատականները, շեմային գնահատականը, Հայտի վերջնական գնահատականը:

4.14. Կոմիտեն Կազմակերպության (բուհի) տնօրենին (ռեկտորին) տրամադրում է Կազմակերպությունից ներկայացված և ֆինանսավորման երաշխավորված Թեմաների ցանկը, ղեկավարների ցուցակը և յուրաքանչյուր թեմայի համար նախատեսված ֆինանսավորման ծավալը:

5. Մրցույթի արդյունքների բողոքարկում

5.1. Մրցույթի արդյունքները կարող են բողոքարկվել Խմբի ղեկավարի կողմից՝ տեղեկանալուց հետո 15 օրացուցային օրվա ընթացքում Կոմիտե գրավոր դիմում ներկայացնելով:

5.2. Բողոքարկման դեպքում Հայտը ենթարկվում է կրկնակի գիտական փորձաքննության: Բողոքարկման արդյունքում տրվում է նոր վերջնական գնահատական. վերջին փորձագետի գնահատականի և դրան մոտ հիմնական գիտական փորձաքննության գնահատականի միջին թվաբանականը:

5.3. Բողոքարկման արդյունքում Հայտը երաշխավորվում է ֆինանսավորման, եթե դրա նոր վերջնական գնահատականը գերազանցում է կամ հավասար է սահմանված շեմային գնահատականին:

5.4. Եթե բողոքարկման արդյունքում շեմային գնահատականը հաղթահարել են ավելի շատ Հայտեր, քան հնարավոր է ֆինանսավորել, ապա Խորհուրդը կազմակերպում է այցելություն Կազմակերպություն, տեղում ծանոթանում Թեմայի կատարման համար անհրաժեշտ պայմանների առկայությանը, որից հետո միայն տալիս է առաջարկություն՝ Հայտը ֆինանսավորվող Թեմաների ցանկում ընդգրկելու վերաբերյալ:

5.5. Հայտի կրկնակի գիտական փորձաքննության հիման վրա Կոմիտեի նախագահի որոշումը վերջնական է: Դրա մասին, **4.13** ենթակետին համապատասխան, տեղեկացվում են բողոքարկված Հայտերի ղեկավարները:

6. Ամփոփիչ դրույթներ

6.1. Ֆինանսավորման երաշխավորված Թեմայի ղեկավարի և կատարողների միջև, ինչպես նաև Կազմակերպության (բուհի) տնօրենի (ռեկտորի) և Թեմայի ղեկավարի միջև կնքվում են պայմանագրեր ՀՀ «Քաղաքացիական օրենսգրքով» սահմանված կարգով:

6.2. Կոմիտեի և ֆինանսավորման երաշխավորված Թեմայի ղեկավարի միջև ՀՀ «Քաղաքացիական օրենսգրքով» սահմանված կարգով կնքվում է պայմանագիր՝ **6.1** կետում նշված պայմանագրերի առկայության դեպքում:

6.3. Թեմայի տարեկան ֆինանսավորման առավելագույն ծավալները 4, 3 և 2 անձից բաղկացած Խմբերի համար կկազմեն համապատասխանաբար՝

- 4 500,0 հազար, 3 375,0 հազար և 2 250,0 հազար ՀՀ դրամ:

6.4. Նախահաշվի «Աշխատանքի վարձատրություն» հոդվածը կազմելիս աշխատանքի ամսական վարձատրության միջին հաշվարկային չափն անհրաժեշտ է ընդունել 70,0 հազար ՀՀ դրամ:

6.5. Նախահաշվի «Այլ ծախսեր» հոդվածով կարող են նախատեսվել հետազոտական սարքավորումների և գիտական հետազոտությունների ընթացքում օգտագործվող նյութերի ձեռքբերման ծախսեր: 100,0 հազար ՀՀ դրամը գերազանցող գնի սարքավորման կամ ծառայության անհրաժեշտությունը պետք է հիմնավորել Նախահաշվի մեկնաբանության մեջ:

6.6. Նախահաշվի «Այլ ծախսեր» հոդվածով գործուղումների համար նախատեսվող գումարը չպետք է գերազանցի Թեմայի ֆինանսավորման գումարի 15 տոկոսը: Յուրաքանչյուր գործուղման նպատակը և դրա հետ կապված բոլոր ծախսերը պետք է հիմնավորել Նախահաշվի մեկնաբանության մեջ, իսկ գործուղումների համար օրապահիկը և գիշերավարձը հաշվարկել ըստ ՀՀ կառավարության 2005 թվականի դեկտեմբերի 29-ի N 2335-Ն որոշմամբ սահմանված ծախսերի ծավալների: Երկու շաբաթը գերազանցող գործուղումների համար Խմբի անդամները կարող են հայցել ամսական մինչև 1500,0 ԱՄՆ դոլարին համարժեք ՀՀ դրամ: Խմբի յուրաքանչյուր անդամի օտարերկրյա գործուղումների ընդհանուր ժամանակը չպետք է գերազանցի երկու ամիսը (տարեկան կտրվածքով):

6.7. Նախահաշվի «Այլ ծախսեր» հոդվածով կարող է նախատեսվել ենթապայմանագրային համագործակցություն. Թեմայի իրականացման համար գումար կարող է հատկացվել ֆիզիկական կամ իրավաբանական անձանց: Ենթապայմանագրային համագործակցության դեպքում Թեմայի ղեկավարը ֆիզիկական կամ իրավաբանական անձանց հետ պետք է կնքի պայմանագիր և այն համաձայնեցնի Կոմիտեի հետ: Նախահաշվի մեկնաբանության մեջ յուրաքանչյուր ենթապայմանագրային համագործակցության համար անհրաժեշտ է ներկայացնել առանձին հիմնավորում:

6.8. Նախահաշվի «Վերադիր ծախսեր» հոդվածով նախատեսվում է Կազմակերպության (բուհի) տնօրենի (ռեկտորի) իրավասությանը թողնված գումարը, որով տնօրենը (ռեկտորը) ապահովում է Կազմակերպության (բուհի գիտական մասի) գործունեությունը և ստեղծում Թեմայի կատարման համար անհրաժեշտ պայմաններ: Վերադիր ծախսերը չպետք է գերազանցեն Թեմայի «Այլ ծախսեր» հոդվածով նախատեսված տարեկան գումարի 7 տոկոսը:

**ԳԻՏԱԿԱՆ ԵՎ ԳԻՏԱՏԵԽՆԻԿԱԿԱՆ ԳՈՐԾՈՒՆԵՈՒԹՅԱՆ ԲՆԱԳԱՎԱՌՆԵՐԸ ԵՎ
ՄԱՍՆԱԳԻՏՈՒԹՅՈՒՆՆԵՐԸ՝ ՀԱՄԱՊԱՏԱՍԽԱՆ ԴԱՄԻՉՆԵՐՈՎ**

1. ԲՆԱԿԱՆ ԳԻՏՈՒԹՅՈՒՆՆԵՐ

- 1.1. Մաթեմատիկա
- 1.2. Ինֆորմատիկա և համակարգչային գիտություններ
- 1.3. Ֆիզիկա և աստղագիտություն
- 1.4. Քիմիա
- 1.5. Երկրի մասին և դրան հարակից բնապահպանական գիտություններ
- 1.6. Կենսաբանական գիտություններ
- 1.7. Այլ բնական գիտություններ

**2. ՃԱՐՏԱՐԱԳԻՏՈՒԹՅՈՒՆ ԵՎ
ՏԵԽՆՈԼՈԳԻԱ**

- 2.1. Քաղաքաշինություն և ճարտարապետություն
- 2.2. Էլեկտրատեխնիկա, էլեկտրոնիկա, էներգետիկա, համակարգչային և տեղեկատվական տեխնոլոգիաներ
- 2.3. Մեխանիկա
- 2.4. Մեքենագիտություն և մեքենաշինություն
- 2.5. Քիմիական տեխնոլոգիաներ
- 2.6. Նյութագիտություն
- 2.7. Բժշկական սարքաշինություն
- 2.8. Էկոլոգիա
- 2.9. Կենսատեխնոլոգիա
- 2.10. Նանոտեխնոլոգիա
- 2.11. Այլ տեսակի ճարտարագիտություն ու տեխնոլոգիաներ

3. ԲԾՇԿԱԿԱՆ ԳԻՏՈՒԹՅՈՒՆՆԵՐ

- 3.1. Ընդհանուր բժշկություն
- 3.2. Կլինիկական բժշկություն
- 3.3. Բժշկական կենսատեխնոլոգիա
- 3.4. Այլ բժշկական գիտություններ

**4. ԳՑՈՒՂԱՏՆՏԵՍԱԿԱՆ
ԳԻՏՈՒԹՅՈՒՆՆԵՐ**

- 4.1. Անասնաբուծություն, անասնաբուժություն
- 4.2. Բուսաբուծություն
- 4.3. Հողագիտություն, ագրոքիմիա, բույսերի պաշտպանություն
- 4.4. Գյուղատնտեսական կենսատեխնոլոգիա
- 4.5. Այլ գյուղատնտեսական գիտություններ

5. ՀԱՍԱՐԱԿԱԿԱՆ ԳԻՏՈՒԹՅՈՒՆՆԵՐ

- 5.1. Հոգեբանություն
- 5.2. Տնտեսագիտություն և գործարարություն
- 5.3. Մանկավարժական գիտություններ
- 5.4. Սոցիոլոգիա
- 5.5. Իրավագիտություն
- 5.6. Քաղաքագիտություն
- 5.7. Սոցիալական և տնտեսական աշխարհագրություն
- 5.8. Այլ հասարակական գիտություններ

**6. ՀԱՅԱԳԻՏՈՒԹՅՈՒՆ ԵՎ
ՀՈՒՄԱՆԻՏԱՐ ԳԻՏՈՒԹՅՈՒՆՆԵՐ**

- 6.1. Պատմություն, հնագիտություն
- 6.2. Լեզվագիտություն, գրականագիտություն
- 6.3. Փիլիսոփայություն, էթիկա
- 6.4. Աստվածաբանություն, կրոնագիտություն
- 6.5. Արվեստագիտություն
- 6.6. Այլ հումանիտար գիտություններ

Ուշադրություն: Ստորև բերվող բոլոր ձևերը նպատակ ունեն ծանոթացնելու առցանց լրացվող ձևերի հետ
և դյուրացնելու առցանց լրացնելու գործընթացը:

ՀԱՅՏ

**«ՇԻՐԱԿԻ ՄԱՐԶԻ ԳԻՏԱԿԱՆ ԿԱԶՄԱԿԵՐՊՈՒԹՅՈՒՆՆԵՐՈՒՄ ԻՐԱԿԱՆԱՑՎՈՂ
ԳԻՏԱԿԱՆ ՀԵՏԱԶՈՏՈՒԹՅՈՒՆՆԵՐԻ ԱԶԱԿՑՈՒԹՅԱՆ ԾՐԱԳԻՐ-2015» ՄՐՑՈՒՑԹԻ**

Հայտը հանձնված է «_____» _____ **2015 թ.** Ծածկագիր՝ _____
(ձևավորվում է Համակարգի կողմից)

Ձև 1

Տ Ի Տ Ղ Ո Ս Ա Թ Ե Ր Թ

1. Հայտի վերնագիրը, բնագավառը և մասնագիտական դասիչը, բնույթը
2. Հուշող (բանալի) բառերը
3. Խմբի ղեկավարի ազգանունը, անունը, հայրանունը, ծննդյան թիվը, գիտական աստիճանը, պաշտոնը, հեռախոսը և էլեկտրոնային հասցեն
4. Կազմակերպության լրիվ անվանումը, կազմակերպչի անվանական ձևը և գերատեսչական պատկանելությունը, հասցեն, հեռախոսը և էլեկտրոնային հասցեն
5. Թեմայի կատարման համար անհրաժեշտ ժամանակահատվածը
6. Գիտահետազոտական խմբի (ներառյալ ղեկավարը) անդամների թիվը
7. Աշխատանքի վարձատրության (ներառյալ եկամտային հարկը) գումարը
8. Վերադիր ծախսերի գումարը
9. Հայցվող ընդհանուր գումարը

Խմբի ղեկավարի ստորագրությունը _____

Կազմակերպության ղեկավարի կամ գիտական քարտուղարի ստորագրությունը

«_____» _____ 2015 թ.

Կ.Տ.

Ն Ա Խ Ա Գ Ի Ծ

Ներկայացնել հայերեն, մինչև 12 էջ՝ ներառյալ գրաֆիկները, գծագրերը, լուսանկարները և գրականության ցանկը.

1. խնդրի դրվածքը, դրա արդի վիճակը, Թեմայի գիտական նպատակները, հետազոտական ծրագիրը, իրականացման եղանակները, առկա և անհրաժեշտ նյութական ռեսուրսները (մինչև 8 էջ),

2. տվյալ ուղղությամբ Խմբի ունեցած ձեռքբերումները և ակնկալվող արդյունքները (մինչև 2 էջ),

3. օգտագործված գրականության ցանկը:

ՏԵՂԵԿՈՒԹՅՈՒՆՆԵՐ ՆԱԽԱԳԾԻ ԿԱՏԱՐՈՂԻ ՄԱՍԻՆ

1. Ազգանուն, անուն, հայրանուն
2. Ծննդյան տարեթիվն ու ծննդավայրը
3. Կրթությունը (բուհ, մասնագիտություն)
4. Գիտական աստիճանը
5. Վերջին թեզի վերնագիրը, մասնագիտական դասիչը, պաշտպանության տարեթիվը և վայրը
6. Աշխատանքի վայրը, պաշտոնը
7. Հեռախոսը (աշխատանքային, բնակարանի, բջջային)
8. Էլեկտրոնային հասցեն
9. Նախագծի հետ առնչություն ունեցող գիտական հրապարակումները

ԾԱԽՍԵՐԻ ՆԱԽԱՀԱՇԻՎ

Հայտի ծածկագիրը _____

(ձևավորվում է Համակարգի կողմից)

ԱՇԽԱՏԱՆՔԻ ՎԱՐՉԱՏՐՈՒԹՅՈՒՆ (ներառյալ եկամտային հարկ, հազար դրամ)									
	2015 թ.			2016 թ.			2017 թ.		
Ազգանուն, անուն, հայրանուն	Ամսական	Սեփականության	Պահանջ-վող գումարը	Ամսական	Սեփականության	Պահանջ-վող գումարը	Ամսական	Սեփականության	Պահանջ-վող գումարը
1)									
2)									
3)									
4)									
ԸՆԴՀԱՆՈՒՐ ԳՈՒՄԱՐԸ									
ԱՅԼ ԾԱԽՍԵՐ, այդ թվում									
1. ՍԱՐՔԵՐ ԵՎ ՆՅՈՒԹԵՐ (100,0 հազար ՀՀ դրամը գերազանցող բոլոր ծախսերը հիմնավորվել են ծախսերի նախահաշվի մեկնաբանության մեջ)				2015 թ.	2016 թ.	2017 թ.			
1)									
2)									
ԸՆԴՀԱՆՈՒՐ ԳՈՒՄԱՐԸ									
2. ԳՈՐԾՈՒՂՈՒՄՆԵՐ (հիմնավորել են ծախսերի նախահաշվի մեկնաբանության մեջ)									
1) տեղական գործուղումների տրանսպորտային ծախսեր									
2) տեղական գործուղումների օրապահիկ									
3) տեղական գործուղումների գիշերավարձ									
4) օտարերկրյա գործուղումների տրանսպորտային ծախսեր									
5) օտարերկրյա գործուղումների օրապահիկ									
6) օտարերկրյա գործուղումների գիշերավարձ									
7) գործուղումների հետ կապված այլ ծախսեր (վիզա կամ այլ վճարումներ)									
ԸՆԴՀԱՆՈՒՐ ԳՈՒՄԱՐԸ									
3. ԵՆԹԱՊԱՑՄԱՆԱԳՐԱՅԻՆ ՀԱՄԱԳՈՐԾԱԿՑՈՒԹՅՈՒՆ (նշել ենթապայմանագրային համագործակցության բոլոր ֆիզիկական և իրավաբանական անձանց, համագործակցությունը մանրամասն նկարագրել են ծախսերի նախահաշվի մեկնաբանության մեջ)									
Ենթապայմանագրային համագործակցության վարձավճար									
	2015 թ.			2016 թ.			2017 թ.		
Ազգանուն, անուն, հայրանուն	Օրա-վարձ	օրերի քանակ	Պահանջ-վող գումար	Օրա-վարձ	օրերի քանակ	Պահանջ-վող գումար	Օրա-վարձ	օրերի քանակ	Պահանջ-վող գումար
1)									
2)									
ԸՆԴՀԱՆՈՒՐ ԳՈՒՄԱՐԸ									
Ենթապայմանագրային համագործակցության նյութեր և ծառայություններ				2015 թ.	2016 թ.	2017 թ.			
1)									
2)									
ԸՆԴՀԱՆՈՒՐ ԳՈՒՄԱՐԸ									
4. ՎԵՐԱԴԻՐ ԾԱԽՍԵՐ									
ՀԱՅՑՎՈՂ ԸՆԴՀԱՆՈՒՐ ԳՈՒՄԱՐԸ									

Խմբի ղեկավար _____
(ստորագրություն)

_____ (անուն, ազգանուն)

Կազմակերպության գլխավոր հաշվապահ _____

_____ (ստորագրություն)

_____ (անուն, ազգանուն)

ԾԱԽՍԵՐԻ ՆԱԽԱՀԱՇՎԻ ՄԵԿՆԱԲԱՆՈՒԹՅՈՒՆ

Հիմնավորել նախահաշվի 100,0 հազար ՀՀ դրամը գերազանցող բոլոր ծախսերը:

«Շիրակի մարզի գիտական կազմակերպություններում իրականացվող գիտական հետազոտությունների աջակցության ծրագիր-2015» մրցույթի հրավերի

ՀՀ ԿԳՆ ԳԻՏՈՒԹՅԱՆ ՊԵՏԱԿԱՆ ԿՈՄԻՏԵԻ
ՆԱԽԱԳԱՀ ՊԱՐՈՆ Ս. ՀԱՐՈՒԹՅՈՒՆՅԱՆԻՆ

ՔԱՂԱՔԱՑԻ _____
(անուն հայրանուն)

_____ ից
(ազգանուն)

_____ (հասցե)

_____ (հեռախոս)

ԴԻՄՈՒՄ

Խնդրում եմ ընդունել գիտական և գիտատեխնիկական գործունեության պայմանագրային (թեմատիկ) ֆինանսավորման շրջանակներում «Շիրակի մարզի գիտական կազմակերպություններում իրականացվող գիտական հետազոտությունների աջակցության ծրագիր-2015» մրցույթի մասնակցության «_____» վերնագրով հայտը:

Դիմող՝ _____
(ստորագրություն)

(_____)
(անուն, ազգանուն)

«_____» _____ 2015 թ.

ԳՆԱՀԱՏՄԱՆ ԹԵՐԹԻԿ

Հարցաշարի յուրաքանչյուր հարցի պատասխանը տրվում է թվային գնահատականով, առավելագույնը 5 միավոր (0.5 միավորի ճշտությամբ)՝ հետևյալ սկզբունքով.

5	Գերազանց: Պատասխանը լիովին համապատասխանում է առաջադրված պահանջներին և թերություններն աննշան են:
4	Շատ լավ: Հարցի պատասխանն առաջադրված պահանջներին համապատասխանում է որոշակի վերապահումներով:
3	Լավ: Պատասխանն ընդհանուր առմամբ բավարարում է առաջադրված պահանջներին, թեև կան նաև զգալի թվով անհամապատասխանություններ, որոնք սակայն շտկելի են:
2	Միջին: Հարցի պատասխանը բավարար չէ դրա վերաբերյալ ամբողջական կարծիք կազմելու համար:
1	Վատ: Պատասխանը ներկայացված է մակերեսորեն և խիստ անորոշ:
0	Շատ վատ: Հարցի պատասխանը բացակայում է կամ այն չի կարող որոշվել տեղեկատվության բացակայության պատճառով:

Հարցաշար

1.	Նպատակներ: Որքանո՞վ են արժեքավոր հետազոտության նպատակները:	
2.	Արդիականություն: Որքանո՞վ է արդիական առաջարկվող հետազոտությունը:	
3.	Նորույթ: Որքանո՞վ է նոր ու հեռանկարային առաջարկվող հետազոտությունը:	
4.	Իրագործելիություն: Որքանո՞վ է իրատեսական առաջարկվող ժամանակահատվածում հետազոտության նպատակներին հասնելը:	
5.	Նախագիծ: Որքա՞ն հստակ է ձևակերպված նախագիծը:	
6.	Համապատասխանություն: Որքանո՞վ է նախագիծը համապատասխանում հետազոտության նպատակների ձեռքբերմանը:	
7.	Իրականացում: Որքանո՞վ է իրատեսական նախագծի իրականացումը:	
8.	Առնչությունն այլ բնագավառների հետ: Որքանո՞վ է նախագծի իրականացումը նպաստում տվյալ կամ հարակից բնագավառների առաջընթացին:	
9.	Կարևորություն: Որքանո՞վ է նախագիծը նորարարական իր արդյունքների հնարավոր կիրառություններով (գիտության հետազոտության, տեխնոլոգիական արտադրանքների, համակարգերի և մեթոդների բարելավում, զգալի տնտեսական կամ հասարակական ազդեցություն):	
10.	Միջազգային համագործակցություն: Որքանո՞վ է նախագծի իրականացումը նախատեսում միջազգային համագործակցություն:	
11.	Իրականացման մեթոդներ: Որքանո՞վ են նախագծում ներկայացված մեթոդները համապատասխանում հետազոտության նպատակների ձեռքբերմանը:	
12.	Իրականացման փուլեր: Որքանո՞վ են համապատասխանում նախագծի իրականացման փուլերը հետազոտության նպատակներին հասնելուն:	
13.	Իրականացման փուլերի վերահսկելիություն: Որքանո՞վ է իրատեսական նախագծի իրականացման փուլերի վերահսկելիությունը:	
14.	Մարդկային ներուժ: Որքանո՞վ է համապատասխանում խմբի անդամների թվաքանակն ու մասնագիտական որակավորումը նախագծի իրականացմանը:	
15.	Տեխնիկական ապահովվածություն: Որքանո՞վ են բավարար առկա և (կամ) ձեռքբերվելիք տեխնիկական միջոցները նախագծի իրականացման համար:	
16.	Արդյունքների տնօրինում: Որքա՞ն հստակ է ձևակերպված հետազոտության արդյունքների տնօրինումը. արդյունքների օգտագործում և տարածում (հրապարակումներ, գիտաժողովներ և այլն), նորարարական կարողության օգտագործում (տեխնոլոգիական ներդրում, ցուցադրում, փորձնական նմուշ, նախատիպ և այլն), մտավոր սեփականության տնօրինում (արտոնագիր, հեղինակային իրավունք և այլն):	
17.	Նախահաշիվ: Որքանո՞վ է համապատասխանում պահանջվող ֆինանսավորման ծավալը և դրա բաշխումն ըստ հոդվածների՝ հետազոտության նպատակներին հասնելուն:	
Փորձագետի ընդհանուր գնահատական		

Փորձագետի մեկնաբանություններ (ծավալը չի սահմանափակվում)

Հետազոտության նպատակների մեկնաբանություն (հարցաշարի 1-4 կետերը):
Նախագծի մեկնաբանություն (հարցաշարի 5-10 կետերը):
Նախագծի իրականացման մեկնաբանություն (հարցաշարի 11-17 կետերը):

Մասնագիտական խորհրդի գնահատական

1.	Հետազոտության ղեկավարում: Որքանո՞վ է համապատասխանում ղեկավարի մասնագիտական որակավորումը նախագծի իրականացմանը:	
2.	Կատարողների կազմ: Որքանո՞վ է համապատասխանում կատարողների մասնագիտական որակավորումը նախագծի իրականացմանը:	
3.	Երիտասարդ մասնագետների ընդգրկվածություն: Որքանո՞վ է համապատասխանում խմբում ընդգրկված երիտասարդ մասնագետների (մինչև 35 տարեկան), ասպիրանտների, ուսանողների մասնագիտական ուղղվածությունը նախագծի իրականացմանը:	
Մասնագիտական խորհրդի ընդհանուր գնահատական		